

Zeitschrift: Le nouveau conteur vaudois et romand
Band: 85 (1958)
Heft: 3

Artikel: La rian-na dè Mellionnaire à Charvan
Autor: [s.n.]
DOI: <https://doi.org/10.5169/seals-230804>

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 21.12.2024

ETH-Bibliothek Zürich, E-Periodica, <https://www.e-periodica.ch>



Pages valaisannes

La dzo et la noué

Vo pœude mè creirè è bein pa. Hlla tzouja l'è arrevâ-yïe à 'na balla dama que l'avâi on brouffé que cheintâi la rouja, dè farena chu la fache et dè pintura è pot et j'onlliè. L'avâi mau œu pia gautze di quâtiè tein. Ch'n'hommo que l'avâi dè fin dein chi bottè li a de :

— Ora, te faut allâ œu mèdechîn dèvan que te mè cotèchè troa chiè.

A la noué, la dama l'a mettu d'èvoue tzauda dein on cheilon époué, avoué dè chavon et ona patta, l'a tan lavô lo pia què la cratzè l'eirè tota collâ-yïe chu lo revon dè bou dœu cheilon. Lo pia l'eirè propre comm'on ognon blan. Y'avâi on bocon dè violet lé iô l'avâi mau.

A Martegniè vèr lo mèdechîn, noûtra balla l'a ôtô la botta, lo tzouefon et mottrô lo pia malâde. L'hommo l'a de :

— Ye vouei achebin viè l'âtre.

— L'è-te obledja ?

— Bein chuë, po comparâ.

La poura fenna l'è-tiu tan chopreiche que lo rodze li è vènu chu li dzoutè tanqu'è j'ouè.

« Mon Dieu, mon Dieu, que fèrè que ch'è moujâ-yïe ; chin va èitre lo dzo et la noué. »

Lo mèdechîn l'eire prèchô : l'a ron-nô :

— L'è-te po vouè ?

To parei, tzopou, la balla l'a ôtô l'âtra botta, lo tzœufon et, tota vargogneuja, l'a atteindu.

— Me l'è chichè qu'à le ple dè mau : l'è nié mé qu'on diablo. E-vo rein dè baignoire à l'ottô.

— Que ouè, Monchüe lo mèdechîn, chœulameint voilà, dein la baignoire y'è mettu li géraniom.

Lo mèdechîn l'a tan ri et rigolô de sta idé. Ye l'a de :

— Voilà ona pomâda po hllé dœu dzo ; po ché dè la noué, è-vo onco d'èvoue à méjon ? Deinche li a bailla on reste dè chavon que l'a mettu dein on fin papei.

Clara Durgnat-Junod.

La rian-na dè Mellionnaire à Charvan

On de qu'on coup on touriste l'è pachô pè la rian-na dè Mellionnaire à Charvan. Ye l'a iu on pouro pa-yîjan què remeindâvè cha cavagne.

— Eh ! mon boun'hommo, que li a de, l'è-te vèré que sta rian-na l'è hlla dè Mellionnaire ?

— Ouè, ouè. Vo féde bein dè pachâ vouè intjè, caa dèman ye charrè farmâye œu pouro marnô.